



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 64. Ejusdem Cardinalis fata.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

Sæcul. XVI.
A.C. 1562.

nonnulli Turnonio suffragarentur, hinc ab eodem Pontifice recens electo Ostiensis Episcopus, & sacri Collegii Decanus fuit nominatus, apud eundem Pontificem remanere rogatus: verum Henrico II. fatis functo a Francisco II. ejus Successore in Gallias revocabatur, ut suis eidem consiliis præsto esset.

Hic idem Cardinalis, cum scientiarum, ac literatorum insignis fautor audiret, Turnonii in Vivariensi Provincia ad Rhodanum erexit Collegium, atque ad illud per celebres accersivit Professores: cum autem hi novarum hæresum veneno tunc per Gallias indies magis, magisque grassante infecti essent, hinc Cardinalis eos suo munere exuebat, atque ad plurimum amicorum suorum preces ex Societate Professorum subrogans, ipsum Collegium eis donabat; hos enim Patres plurimi habebat, eosque, ut juventutem humanioribus literis imbuerent, idoneos censebat, necnon pluribus beneficiis eorum non paucos cumulabat.

Sacchin. hist.
Soc. Jesu
l. 4. n. 84.
Et 85.

§. LXIV.

Ejusdem Cardinalis obitus.

Denique hic Cardinalis Anno Salvatoris nostri millesimo quingentesimo sexagesimo secundo die vigesima secunda Aprilis, apud S. Germanum in
Laya

Laya anno ætatis suæ septuagesimo ter-
tio obiit, ejusque corpus Turnonium
delatum est. Ejusdem laudes oratio-
ne funebri deprædicabat Joannes Pelif-
sorius, Vincentius vero Laura, qui
primo Montis Regalis Archiepiscopus,
ac demum sub Gregorio XIII. Cardina-
lis fuit creatus, ejus vitæ historiam
concinnabat. Ceterum Franciscus præ-
ter quædam statuta Synodica, quæ
Lugduni Anno Christi millesimo quin-
gentesimo sexagesimo condiderat, poste-
ris etiam reliquit quasdam epistolas ad
Annam Montmorentium scriptas, nec-
non alias, quæ Anno millesimo quin-
gentesimo vigesimo quinto, quinquage-
simo septimo, & quinquagesimo nono
scriptæ in Regia Bibliotheca asservantur.

Sæcul. XVI.
A.C. 1562.

§. LXV.

Lenoncurtii Cardinalis extrema.

Pariter eodem hoc anno Francia luxe-
rat Cardinalem Robertum Lenon-
curtium Theodorici Lenoncurtii Vigno-
riensis Filium, qui ex Priore Charita-
tis Divæ Mariæ ad Ligerim Ordinis
Cluniacensis, Abbas primo Barbellæ,
seu sacri portus Ordinis Cisterciensis,
deinde Rhemis Abbas sancti Re-
migii, ac denique cedente Roberto
Lenoncurtio Patruo suo, ejusdem Ur-
bis Archiepiscopus est nominatus: tau-
dem

Ciacon. t. 3.
pag. 646.